



UPRAVA POLICIJE

Broj: 05-04/06- 11-143 /23/RS

Datum: 03.02.2023. godine

Na osnovu člana 14. stav (1), člana 17. stav (3) i stav (4), člana 18. stav (1) i člana 25. Zakona o javnim nabavkama BiH („Službeni glasnik BiH“, broj: 39/14 i 59/22), te člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16 i 16/17), načelnik Sektora kriminalističke policije Uprave policije MUP USK-a **d o n o s i** :

POSEBNU ODLUKU

o pokretanju postupka nabavke kancelarijskog materijala, registratora i papira

Član 1.

Odobrava se pokretanje postupka javne nabavke roba – kancelarijskog materijala, registratora i papira za printanje za potrebe Uprave policije MUP USK-a.

Član 2.

Ukupna procijenjena vrijednost javne nabavke bez PDV-a iznosi 132.000,00 KM (stotinutridesetdvijehiljade i 00/100 KM).

Nabavka je podijeljena na 3 (tri) LOT-a i to:

LOT 1 – kancelarijski materijal, procijenjena vrijednost iznosi 39.000,00 KM bez uračunatog PDV-a,

LOT 2 - registratori, procijenjena vrijednost iznosi 10.000,00 KM bez uračunatog PDV-a,

LOT 3 - papir za printanje, procijenjena vrijednost iznosi 83.000,00 KM bez uračunatog PDV-a.

Javna nabavka će biti provedena putem otvorenog postupka u skladu sa Zakonom o javnim nabavkama BiH („Sl. glasnik BiH“, broj 39/14 i 59/22), podzakonskim i internim aktima.

Zakonski osnov za provođenje postupka javne nabavke predstavlja član 25. Zakona o javnim nabavkama. Predviđa se zaključenje okvirnog sporazuma sa jednim ponuđačem sa periodom trajanja od 2 (dvije) godine, tj. do kraja 2024. godine.

Član 3.

Za provođenje javne nabavke sredstva su planirana DOB-om (Dokumentom okvirnog budžeta) USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine.

Predmetna nabavka će se finansirati iz sredstava budžeta Uprave policije MUP USK-a za 2023. i 2024. godinu.

Član 4.

Oznaka i naziv iz JRJN (Jedinstveni rječnik javne nabavke):

30000000-9 kancelarijske i kompjuterske mašine i potrepštine osim namještaja i paketa programske podrške

30197630-1 Papir za ispis

Dodatni CPV kod:

30192000-1 kancelarijske potrepštine.

Član 5.

Za realizaciju ove Odluke zadužuje se Sektor za materijalno – finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 6.

Otvaranje i ocjenu ponuda sprovede će Komisija za javne nabavke Uprave policije MUP USK-a, imenovana Rješenjem broj: 05-04/04-2-30-463/22 od 26.07.2022. godine. Sastav i djelokrug rada Komisije utvrđen je Rješenjem.

Član 7.

Ova odluka stupa na snagu danom donošenja.

O b r a z l o ž e n j e

U postupku rješavanja nabavke roba – kancelarijskog materijala, registratora i papira za printanje za potrebe Uprave policije MUP USK-a u toku 2023. i 2024. godine utvrđeno je da je isti osnovan i da sadrži sve potrebne elemente za odlučivanje.

Pri donošenju ove odluke, Uprava policije MUP USK-a se posebno rukovodila činjenicom da je predložena nabavka neophodna radi nesmetanog rada službi ugovornog organa, te je predložena odgovarajuća vrsta postupka, a sastav Komisije po stručnosti odgovara predmetu javne nabavke.

Predviđa se zaključenje okvirnog sporazuma za predmetnu nabavku sa jednim ponuđačem sa periodom trajanja od dana zaključenja sporazuma u 2023. godini i do kraja 2024. godine.

Sredstva za ovu nabavku će biti obezbijedena iz budžeta Uprave policije MUP USK-a za 2023. i 2024. godinu, ekonomski kod 613400 – Nabavka materijala i sitnog inventara.

Procijenjena vrijednost nabavke je realna uzimajući u obzir utrošena sredstva za ovu vrstu nabavke u prethodnim godinama.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

S obzirom da je predmetni postupak nabavke pokrenut ranije, a nije donešen Plan nabavki Uprave policije za 2023. godinu, Ugovorni organ je donio posebnu odluku o pokretanju postupka javne nabavke u skladu sa članom 17. Zakona o javnim nabavkama BiH.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

1. Komisija za javne nabavke Uprave policije MUP USK-a
2. Sektor za materijalno-finansijske poslove i IKT (za objavu)
3. a/a

